



Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismvs
Catholicus, summam Christianæ institutionis IIII. libris
succinctim complectens**

Klinge, Konrad

Coloniae, 1570

VD16 K 1309

2. Quàm graue vitium sit in homine Christiano.

urn:nbn:de:hbz:466:1-29452

Feruant Iudæi, scilicet quod Iudæus cum Iudæo nul-
 lam usuram committit, sed cum Gentibus & nobis
 Christianis, ideo peiores sunt Christiani usurarij ipsi
 Iudæis, qui usuram faciunt cum fratre Christiano, si-
 ne omni metu & timore Dei, & habet hoc præceptum
 Dei etiam suam promissionem, scilicet ut benedicat
 tibi Dominus in omni tempore tuo. Deus enim vult
 esse remunerator illius operis tui, si gratis mutuas
 fratri tuo: nempe vult te benedicere in substantia, re-
 bus, familia, agris, horreis in omni tempore tuo &c.
 Ergo tu nihil sperare debes à proximo tuo propter
 Deum & Christum, qui hoc ita præcepit, & talis mu-
 tuatio vel accommodatio debet fieri gratis, ut Deo
 hoc præcipienti, & tibi bona promittenti obedias. Vi-
 deant ergo qui vinum, frumenta, & id genus merci-
 monia vili precio, quando fertilis est annus, coemunt;
 & si quando proximum ob necessitatem urgentem
 videant suam supellecilem ac bona vendentem, exi-
 gua pecunia ab ipso emunt, & ipsi hæc reseruant;
 ita ut in futuro multo carius & duplo plus illa ven-
 dant alijs, fœnerantes, proximum suum non curan-
 tes, nec rationem paupertatis ipsius vel necessitatis,
 immo nec pietatis habentes. Est enim avarus Dia-
 bolus mille artifex in rebus usuræ, qui etiam suos la-
 queos extendit mille modis, ut proximum & commu-
 nitatem fraudet, quarè Paul 1. Tim 6. recte dixit, qui
 volunt diuites fieri, incident in tentationem & la-
 queos Diaboli, & desideria multa & inutilia, quæ
 mergunt homines in perditionem. Secundo, usura pec-
 catum est grauissimum contra Dei præceptum Ex. 20.
 Non furtum facies, sunt enim usurarij subtile fures,
 & aperti deceptores, & impostores: fur occultus su-
 spenditur ob rem exiguum furto sublatam, illi autem
 in purpura & auro incedunt, & multo sunt maiores
 fures: plus nocent cōmunitati & toti regioni, quam
 Prouer. 6. occulti & parui fures, qui (ut Sapiens ait) aliquando
 furantur

furanter ut esurientē impleant animam: illi autem cūm sint sine punitione & in magno precio, similes sunt vermbus in nuce vel pomo deuorantibus, & exhaudentibus omnem substantiā: sic usurati totius Reipub. substantiam ad se trahere nituntur: & ibi nullus timor Dei, nulla conscientia. Tales vocat Ápostolus Eph. 5. idololatras, id est, infideles: quia tota mente & desiderio astuant pro coaceruandis pecunijs: non enim cogitat aut terretur de futura pœna æternā, nec Deo fudit, vel curam suam in illū iactat, vt iubet scriptura, sed tantum fudit suis technis & negotiationi, nec propriam curat conscientiam, quæ illū sèpè arguit, neque ius naturæ, quod docet: Quod tibi vis fieri, alteri feceris: nec leges imperiales, quæ usuram illicitam prohibent: quarè omnis usurarius infidelis & seruus idolorum, id est, pecuniae & mercium suarum. Iusta negotiatio nō prohibetur, modò semper habeatur respectus bonę conscientiæ, atq; ne cessitatis & charitatis erga proximum.

Tertiò, grauissima pœna plectentur usurarij in hac, 3.
& post hanc vitam à Deo & Ecclesia eius, est enim Deus vindicator pauperum. Sic dicit Propheta Psal. 71. Iudicabit Dominus pauperes populi, & saluos faciet filios pauperum, & humiliabit calumniatorem. Ergo communiter mala morte deceidunt, aut seipso suspendunt, & eorum filij paulatim depauperantur, nam iuxta dictum iuridicum,

De male quæstis non gaudet tertius hæres.

Dauid dicit Psal. 14. Quis habitabit in tabernaculo tuo, &c; respondeat, Qui pecuniam suam non dedit ad usuram. Ergo qui usuram facit, is non introbit in tabernaculum Domini. Et Paulus Eph. 5. dicit tales non possessuros regnum Dei. Quarè certissima dānatio manet usurarios, quod antè omnia pödere debet. Insuper iura varias statuunt usurarijs,

Prima